



TOMÁS BAIRÉAD PAPERS

GP2/122

Galway County Council Archives

GP2/122(7)

7EXX0X 57401.

suítán 7703



AN TAOIREACTAS

CONRAD NA GAELIGE
6 Sráid Fhearchair, Baile Átha Cliath, 2.

14 GEARRÓS BARNELL BAILE ÁTHA CLIAITH.

28 Deireadh Fómhair, 1966.

Tomás Uasal Bairéad,
Cill Ráighnigh,
Magh Cuilinn,
Conamara,
CO. NA GAILLIMHE.

A Thomáis, a chara,

Tá do litir faoi an Lss "Gan Baiste" agam.
Gheobhaidh tú le seo an tuairisc a scriobh an moltóir
ar an leabhar. Is léir uaidh go bhfuil fiúntas sa
scribhinn.

X Bheadh suim ag Clódhanna Teoranta, Comhlucht Foilseoir-
eachta Chonradh na Gaeilge i bhfoilsíú an leabhair. Tá
ábhar dhá leabhar ann. Beidh gá le Eagarthóireacht a
dhéanamh faoi mar a deir an moltóir. Is id theannta féin
is fearr d'fhéadfaí sin a dhéanamh.

Deineann Pádraig Óg Ó Conaire eagarthóireacht ar
leabhair don Chonradh. Eisean atá ag déanamh eagarthóireachta
ar leabhar Bhean Uí Thallamhain "Rós Fiáin Lios an Daill" a
bheidh á fhoilsíú againn go luath do Chlub Leabhar na Sóisear.

Má tá suim agat i leanúint ar aghaidh an scéil seo beidh
áthas orainn bheith ag plé leat.

Ádh mór ort.

Mise, le mór-mheas,

Donnchadh Ó Súilleabháin

Donnchadh Ó Súilleabháin,

Rúnaí.

GP2/122(2)

AN tOIREACHTAS 1966

COMÓRTAS 6.

UIMHIR AN IOMATHÓRA 1.

Gan Baiste le "Cill Áine".

TUAIRISC AN MHOLTÓRA

Ba é seo dar liom an scríbhinn ba shuntasáí sa chomórtas, ach ní raibh slacht ar bith uirthi ó thaobh roghnú agus leagan amach an ábhair. Údar amháin le seo nár leag an scríbhneoir teorainneacha a shaothar amach roimhré. Leag sé ar an scríbhneoireacht as éadan gan aird ar chríochnúil-eacht ná ar fheiliúint an ábhar: Níor fhéach sé ach oiread leis na scórtha mioneachtraí atá aige a shníomh isteach in aon insint leanúnach. Preabann sé leis ó eachtra go heachtra, ó dhuine go duine gan tuiscint dá laghad aige do aontacht an tsaothair. An tréith is suntasaí sa scríbhinn ó thús deireadh ná an chaint thiriúil nádúrtha. Tá píosaí comhrá aige atá ar fheabhas an domhain go háirithe agus é ag trácht ar an sean saol in Oirthear na Gaillimhe roimh an Chéad Chogadh Mór, ach mar atá ráite agam níl cuma ná caoi ar an scríbhinn mar shaothar as a chéile. Dob fhéidir a leath de na heachtraí seo a fhágáil ar lár gan baint ar aon chaoi ón saothar. Is é seo - an chuid tosaigh den scríbhinn - is suimíúla ar fad dar liom. Dá ndéanfaí é threabhadh amach arís agus a athchur le cúram eagarthóra níl aon amhras orm ach go ndéanfaidh sé leabhar ar fónamh.

Ó thaobh na staire d'fhéadfadh an scríbhinn seo bheith rí-spéisiúil chomh fada agus a bhaineann le hOglaigh agus le Conradh na Gaeilge Oirthear na Gaillimhe, Liam Ó Maoiliosa agus an tEirí Amach, An Conradh agus an Cogadh Cathartha, polaitíocht na bhfichidí agus na dtíochaidí go háirithe, stair Arm na Poblachta sna tréimhisi sin, bunú Fhianna Fáil agus ina dhiaidh sin tús Scéala Éireann. Ach tá an máchaill chéanna ar an gcuide seo den scríbhinn agus atá ar an gcéad chuid. Níl aon leanúnacha san insint agus nuair a bheadh súil agat le barúil an údair faoi cúrsaí na linne cúbann sé chuige féin. Níl aon tábhaacht ag baint leis an méid atá le rá aige faoin bPíarsach ná faoi Phódraic Ó Conaire ach os a choime sin is léir go raibh aithne mhaith aige ar Liam Ó Maoiliosa fear a bhfuil cuid mhaith againn ar fhíor bheagán eolais faoi.

EOGHAN Ó HANLUAIN.